

佛说寿生经

贞观十三年有唐三藏法师往西天求教因检大藏经见寿生经一卷有十二相属南赡部洲生下为人先于冥司下各借寿生钱有注命官祗揖人道见今库藏空闲催南赡部洲众生交纳寿生钱阿难又问世尊南赡部洲众生多有大愿不能纳得佛言道教看金刚经寿生经能折本命钱为祗证经力甚大若众生不纳寿生钱睡中惊恐眠梦颠倒三魂杳杳七魄幽幽微生空中共亡人语话相逐摄人魂魄灭人精神为欠寿生钱若有善男子善女人破旁纳得寿生钱免得身边一十八般横灾第一远路陂泊内被恶人窥算之灾第二远路风雹雨打之灾第三过江度河落水之灾第四墙倒屋塌之灾第五火光之灾第六血光之灾第七劳病之灾第八疥癩之灾第九咽喉闭塞之灾第十落马伤人之灾第十一车碾之灾第十二破伤风死之灾第十三产难之灾第十四横死之灾第十五卒中风病之灾第十六天行时气之灾第十七投井自系之灾第十八官事口舌之灾若有善男子善女人纳得寿生钱免了身边一十八般横灾若有人不纳不折寿生钱后世为人多注贫贱寿命不长丑陋不堪多饶残疾但看注寿生经又名受生经真经不虚除了身边灾免了身边祸又说十地菩萨长寿王菩萨摩诃萨延寿王菩萨摩诃萨增福寿菩萨摩诃萨消灾障菩萨摩诃萨救苦难观世音菩萨摩诃萨长安乐菩萨摩诃萨长欢喜菩萨摩诃萨解冤结菩萨摩诃萨福寿王菩萨摩诃萨延寿长菩萨摩诃萨本宅龙神土地罪消灭满宅家眷罪消灭恶口浪舌罪消灭杀生害命罪消灭前生冤业罪消灭今生冤业罪消灭前生父母罪消灭今生父母罪消灭又说灾星金星木星水星火星土星太阳星太阴星罗睺星计都星紫气星月孛星忏悔已后愿灾星不照福曜长临四时无病八节无灾若有善男子善女人早纳寿生钱分明解说漏贯薄小纳在库中库官收付至百年命终之后七七已前早烧取寿生经救度三世父母七代先亡九族冤魂皆得生天儒流学士僧尼道俗或贵或贱若有善男子善女人今生早烧寿生钱三世富贵今生不烧三世贫贱后世难得人身纵得为人瘸手瘸足无目跛腰痴聋喑哑衣不盖形食不充口被人轻贱若早烧寿生钱注衣注食注命注禄本命星官本命判官修罗王事天龙八部闻佛所说皆大欢喜信受奉行佛说寿生经即说咒曰。

天罗咒地罗咒日月黄罗咒一切冤家离我身摩诃般若波罗蜜一解冤经二延寿真言三灭五逆之罪诵此经免地狱之罪便得生天不虚矣

佛说寿生经